



Republika ng Pilipinas  
Lalawigan ng Laguna  
**BAYAN NG LOS BAÑOS**  
*Special Science and Nature City*

**TANGGAPAN NG SANGGUNIANG BAYAN**

Municipal Hall, National Highway, Brgy. Timugan,  
Los Baños, Laguna 4030 Philippines  
Email: losbaños@laguna.net

**SINIPI SA KATITIKAN NG IKA-LABING TATLONG (13<sup>TH</sup>) PANGKARANIWANG PULONG NG SANGGUNIANG BAYAN NOONG MARSO 30, 2020 NA GINANAP SA SANGGUNIANG BAYAN SESSION HALL, NATIONAL HIGHWAY, BRGY. TIMUGAN, LOS BAÑOS, LAGUNA.**

Mga Dumalo : Bise Alkalde Antonio L. Kalaw, Presiding Officer  
Konsehala Josephine S. Evangelista  
Konsehal Janos S. Lapiz  
Konsehal Geronimo A. Ciceron  
Konsehal Marlo PJ A. Alipon  
Konsehal Mike Dexter A. Concio  
Konsehal Mark Lester B. Dizon  
Konsehal Cris Dayril B. Bagnes  
Konsehala Arlene P. delos Santos, Pangulo ng Liga ng mga Barangay  
Konsehala Jozylyn N. Manansala, Pangulo ng Pambayang Pederasyon ng Sangguniang Kabataan  
Kalihim Dona T. Alborida  
Gng. Felomina I. Lincallo, LLSO I

Di-Nakadalo : Konsehal Miko C. Pelegrina (O.B.)

Panauhin : Wala

**KAPASIYAHAN BLG. 2020-81**

**KAPASIYAHANG IMINUMUNGKAHI ANG PAGGAMIT NG WIKANG FILIPINO SA MGA IPAPASANG KAPASIYAHAN AT KAUTUSAN NA MAY KINALAMAN SA CORONA VIRUS DISEASE 2019 (COVID-19) PARA ANG MGA ITO AY MAS LUBOS NA MAUNWAAN NG MGA MAMAMAYAN NG BAYAN NG LOS BAÑOS.**

May Akda: Konsehal Mark Lester B. Dizon,

**SAPAGKAT**, noong ika-8 ng Marso 2020, nag-deklara si Pangulong Rodrigo Roa Duterte ng *State of Public Health Emergency* sa buong bansa kasunod ng pagtataas sa Code Red ng Kagawaran ng Kalusugan (Department of Health o DOH) sa alerto sa coronavirus disease o COVID-19;

**SAPAGKAT**, noong ika-16 ng Marso 2020, idineklara ang *State of Calamity* sa buong bansa dahil sa pagkalat ng COVID-19;

**SAPAGKAT**, ayon na rin sa pagdeklara ng *State of Public Health Emergency* at *State of Calamity*, itinaas ang *Enhanced Community Quarantine (ECQ)* sa buong Luzon at ang pagpapaigting ng pagpapatupad ng *Social Distancing Measures* upang mapigilan ang pagkalat ng COVID-19;

**SAPAGKAT**, ilan sa mga nakasaad na patnubay sa nasabing pagtataas ng ECQ ay ang istriktong pagpapatupad ng *home quarantine* kung saan pinapayuhan ang mga tao na manatili sa kanilang mga tahanan at pinagbabawalan ang paglabas maliban na lamang sa mga nakasaad sa listahan ng mga awtorisadong tao na maaaring lumabas sa kanilang mga tahanan at kung kailangang bumili ng pagkain at gamot;

**SAPAGKAT**, ang mga lokal na pamahalaan kasama ang mga pamahalaang barangay ay naatasang manguna sa pagpapatupad ng mga umiiral na patnubay at palatutuntunan ukol sa ECQ at *Social Distancing Measures*. Kabilang dito ang pagpapasa at pagpapatibay ng mga kautusan at kapasiyahan na mga lokal na sanggunian na may kinalaman sa COVID-19;

**SAPAGKAT**, ang paggamit at pagsasalin sa Wikang Filipino sa mga gagawing Kautusan at Kapasiyahan na may kinalaman sa COVID-19 ay makakatulong sa pag-engganyo ng pagbabasa sa mga mamamayan at ang mga ito ay mas lubos pa nilang mauunawaan;

**KUNG KAYA'T DAHIL DITO**, sa mungkahi ni Konsehal Mark Lester B. Dizon, pinangalawahan ni Konsehal Marlo PJ A. Alipon at buong pagkakaisang sinang-ayunan ng lahat ng konsehal na dumalo sa pulong;

**IPINASIYA, GAYA NG MAGALANG NA PAGPAPASIYA**, kapasiyahang iminumungkahi ang paggamit ng Wikang Filipino sa mga ipapasang Kautusan at Kapasiyahan na may kinalaman sa COVID-19 para ang mga ito ay mas lubos na maunawan ng mga mamamayan sa bayan ng Los Baños.

**PINAGTIBAY: MARSO 30, 2020**


---

PINATUTUNAYAN KO ang kawastuan ng Kapasiyahang ito.

  
**DONA T. ALBORIDA**

Kalihim para sa Sangguniang Bayan

PINATOTOHANAN:

  
**KGG. ANTONIO L. KALAW**  
Bise Alkalde/Tagapangulo